

PUSAT PENGURUSAN KUALITI UNIVERSITI (PPQ)

NAMA DOKUMEN : SURAT MAKLUMAN MQA BIL. 1/2024
**KETETAPAN TEMPOH SAH LAKU PERAKUAN
PENDAFTARAN PREMIS, KELULUSAN PENGENDALIAN
PROGRAM DAN PERAKUAN AKREDITASI SEMENTARA
UNTUK PERMOHONAN AKREDITASI SEMENTARA DAN
AKREDITASI PENUH**

NOMBOR RUJUKAN : MQA.100-1/3/2(3)

EDISI : -

TARIKH KUATKUASA : 01 JULAI 2024

DILULUSKAN

Tandatangan :



Nama: Ts. Dr. Hasnita binti Che Harun

Jawatan: Pengarah PPQ

Tarikh: 28 April 2024

Ruj. Kami : MQA:100-1/3/2 (3)

Tarikh : 23 Februari 2024

KEPADA SEMUA PEMBERI PENDIDIKAN TINGGI (PPT)

Tuan/puan,

SURAT MAKLUMAN MQA BIL. 1/2024

KETETAPAN TEMPOH SAH LAKU PERAKUAN PENDAFTARAN PRÉMIS, KELULUSAN PENGENDALIAN PROGRAM DAN PERAKUAN AKREDITASI SEMENTARA UNTUK PERMOHONAN AKREDITASI SEMENTARA DAN AKREDITASI PENUH

Dengan hormatnya saya merujuk kepada perkara di atas.

2. Untuk makluman, MQA kerap menerima permohonan Akreditasi Sementara dan Akreditasi Penuh dari Pemberi Pendidikan Tinggi (PPT) dalam situasi di mana tempoh perakuan pendaftaran premis dan kelulusan pengendalian program hampir tamat. Perkara ini memberi kesan kepada proses penilaian Akreditasi Sementara dan Akreditasi Penuh, sama ada ditangguhkan penilaian atau ditamatkan proses. Bagi memastikan tempoh piagam pelanggan tidak terjejas, maka MQA telah membuat ketetapan berkenaan tempoh sah laku perakuan pendaftaran premis, kelulusan pengendalian program dan juga Perakuan Akreditasi Sementara semasa PPT mengemukakan permohonan Akreditasi Sementara dan Akreditasi Penuh.

3. Ketetapan ini akan melibatkan beberapa perubahan seperti berikut:

3.1 SEMASA PERMOHONAN

- i. Permohonan Akreditasi Sementara hanya boleh diterima sekiranya tempoh perakuan pendaftaran premis berbaki sekurang-sekurangnya 6 bulan.
- ii. Permohonan Akreditasi Penuh hanya boleh diterima sekiranya tempoh perakuan pendaftaran premis dan tempoh kelulusan pengendalian program berbaki sekurang-sekurangnya 6 bulan.
- iii. Sekiranya tempoh Perakuan Akreditasi Sementara (PAS) sedia ada berbaki kurang dari 6 bulan atau telah tamat, PPT juga dikehendaki membuat bersekali permohonan pelanjutan tempoh PAS semasa membuat permohonan Akreditasi Penuh kepada MQA.

3.2 SEMASA PENILAIAN

Penilaian Akreditasi Sementara

- i. Proses penilaian Akreditasi Sementara akan **ditangguhkan** sekiranya tempoh perakuan pendaftaran premis tamat dalam situasi berikut:
 - a) **sebelum lawatan penilaian** (bagi program yang memerlukan lawatan kemudahan); atau
 - b) **sebelum** dibentangkan di Mesyuarat Jawatankuasa Akreditasi (MJA)
- ii. PPT diberi tempoh 6 bulan untuk mengemukakan perakuan pendaftaran premis yang telah diperbaharui oleh Jabatan Pendidikan Tinggi, Kementerian Pendidikan Tinggi (JPT, KPT). Sekiranya PPT gagal berbuat demikian, penilaian program akan ditamatkan proses. Surat kepada PPT akan dikeluarkan untuk memaklumkan perkara ini.

Penilaian Akreditasi Penuh

- i. Proses penilaian Akreditasi Penuh akan **ditangguhkan** sekiranya tempoh perakuan pendaftaran premis dan / atau tempoh kelulusan pengendalian program tamat dalam situasi berikut:
 - a) **sebelum lawatan penilaian**
 - b) **selepas lawatan penilaian**, sekiranya belum ada pelajar yang bergraduasi sehingga tarikh tamat perakuan pendaftaran premis dan / atau kelulusan pengendalian program;

dan/ atau

dapatkan penilaian program mendapati terdapat isu penawaran *Body of Knowledge* (BoK) dan pelajar perlu mengambil BoK atau komponen berkaitan sebelum bergraduasi.
- ii. PPT diberi tempoh 6 bulan untuk mengemukakan perakuan pendaftaran premis yang telah diperbaharui dan / atau kelulusan pengendalian program yang telah diberi pelanjutan oleh JPT, KPT. Sekiranya PPT gagal berbuat demikian, penilaian program akan ditamatkan proses. Surat kepada PPT akan dikeluarkan untuk memaklumkan perkara ini.
- iii. Walau bagaimanapun, proses penilaian Akreditasi Penuh akan **diteruskan** walaupun tempoh perakuan pendaftaran premis dan / atau tempoh kelulusan pengendalian program tamat **selepas lawatan penilaian** bagi situasi berikut:

a) terdapat pelajar yang akan bergraduasi sebelum tarikh tamat perakuan pendaftaran premis dan / atau kelulusan pengendalian program;

dan / atau

b) tiada isu penawaran BoK

- iv. Bagi program yang diluluskan oleh MJA, program tersebut akan diberikan Akreditasi bertempoh yang akan bermula dari tarikh dokumen lengkap sehingga tarikh tamat perakuan pendaftaran premis atau tarikh tamat kelulusan pengendalian program, berdasarkan mana-mana yang akan tamat tempoh terlebih dahulu.
- v. Siaran keputusan Akreditasi Penuh di laman web MQA dan penyenaian dalam *Malaysian Qualifications Register (MQR)* akan menyatakan tempoh sah laku yang ditetapkan.
- vi. **PPT diberi tempoh 6 bulan dari tarikh MJA untuk mengemukakan perakuan pendaftaran premis yang telah diperbaharui dan / atau kelulusan pengendalian program yang telah diperbaharui oleh JPT, KPT.** Seterusnya PPT perlu mengemaskini status Akreditasi Penuh dengan melengkapkan **Borang J - Permohonan Bagi Penggantian Perakuan** dan membuat bayaran fi yang ditetapkan.

4. Ketetapan ini bertujuan untuk memastikan pengurusan penilaian permohonan Akreditasi Sementara dan Akreditasi Penuh menjadi lebih efisien dan sistematik.

5. Selaras dengan keputusan ini, **Surat Makluman MQA Bil. 1/2020 bertarikh 16 Januari 2020 – Penghentian Proses Penilaian Akreditasi Penuh** adalah **terbatal selepas 30 Jun 2024.**

6. Pelaksanaan dan pematuhan terhadap pindaan ini adalah berkuatkuasa untuk semua permohonan dan penilaian Akreditasi Sementara dan Akreditasi Penuh yang dikemukakan mulai **01 Julai 2024.**

Sekian, terima kasih.

"PENDIDIKAN TINGGI BERKUALITI GLOBAL"

"MALAYSIA MADANI"

"BERKHIDMAT UNTUK NEGARA"

Saya yang menjalankan amanah,



DATO' PROF. DR. MOHAMMAD SHATAR BIN SABRAN (DIMP, DPMP)